



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Dei Immortalis In Corpore Mortali Patientis Historia

Stanyhurst, Guillaume

Coloniæ Agrippinæ, 1694

§. V. Induitur veste alba & remittitur ad Pilatum.

[urn:nbn:de:hbz:466:1-49178](https://nbn-resolving.org/urn:nbn:de:hbz:466:1-49178)

elegisti nos parvulos? *Quia sic placitum fuit ante te.*  
 Sic tibi placuit aspicere parvulos, despiciere ma-  
 ximos. O Christe, quia sic placitum fuit ante te,  
 eligere nos; dum Herodes te dimittit ex aula sua,  
 nos te admittimus in corda nostra: & quia ho-  
 nor tibi ablatum est in Herodis palatio, ego illum  
 tibi cupio restituere in hoc templo. Ego ergo hinc  
 coram tota rerum universitate protestor, hanc  
 me æstimare maximam gloriam, posse pro nomi-  
 ne Jesu pati contumeliam. Hæc mea est libertas,  
 Jesu servire; dignitas, Jesu subesse; felicitas, Je-  
 su placere. Licet hinc mihi proponerentur omnes  
 Principum purpuræ, Regum sceptræ, Cæsarium  
 diademata, & reliqua honorum insignia: licet  
 mihi offerrentur omnes opes, aurum, argentum,  
 & omnes terrarum thesauri, & quæcumque hu-  
 mana ambitio magni æstimat: hæc omnia abji-  
 cerem, & arbitrarer ut stercora, ut Jesu serviam:  
 mallémque substerni Jesu mei pedibus, quam  
 imperare omnibus terrarum Regibus. Sed non  
 possum solus honorem Christo ablatum resti-  
 tuere: itaque vos, ô cœli! ô terræ! ô inferi! con-  
 currite mecum, vos vestras cum meis conjungi-  
 te voces, omnesque strati ad pedes Christi, me-  
 cum hæc verba, maxima cum animi submissione  
 2. Tim. I. 17. pronuntiate: Jesu Christo, Regi *scilicet* ulorum immor-  
 tali, invisibili, soli Deo honor & gloria.

## §. V.

*Induitur veste albâ, & remittitur ad Pilatum.*

CHRISTUS coram tota curia Herodiana, tantæ  
 que Procerum frequentia, cæ stabat vultus  
 placidissimi amabilitate, eâ totius corporis mo-  
 destissimi compositione, eâ oculorum serenitate,  
 & oris suscipiendi majestate, totiûsque frontis  
 con-

constantissimo colore, qui fiduciam causæ ostenderet etiam apud iniquum tribunal. Dixisses ibi stare non hominem innocentem, sed ipsam innocentiam. Licet lingua ei sileret, tamen frons, oculi, vultus, tota deniq; totius corporis relucens modestia loquebatur, in eo esse aliquid humano majus. At Herodes cum Christum videret ad omnia quæ sciscitabatur, obmutescens, ut stolidum & bucconem quemdam habuit; & supra insanos omnes insaniens, stultitiæ, qui erat Sapia Patris, insimulans, & in eandem insaniam Palatinos omnes præcipites trahens, postquam eum sprexit; *illucit indutum veste albâ, & remisit ad Pilatum.* Hic repente à toto exercitu in eum plenis buccis effunduntur scommata, dictæ, contumeliæ, opprobria. Audit fanaticus, amens, stultus, bardus; trahitur, imò rapitur per publica Jerusolymæ compita; confluunt certatim hominû undæ; replentur fores ædium, & fenestræ: ille sordibus ipsum impetit, alter vestibus in solum protrudit; ille calcibus percutit, alter manibus; omnes plaustra injuriarum in eum exonerant. Verè jam dixeris, ô Christe: *Prodigium factus sum multis;* imò ludibrium omnibus. Hæc inulti spectatis, ô magni hujus Domini famuli? Siccine otiosi conspicitis ex alto sperni vestrum Regem hîc in terris, quem vos te Etâ alis facie adoratis in cælis? jam, jam tempus est, ô Pater, ut apertis cælorum cataractis effundas Noëmicam pluviam, & deleas omnem substantiam, quæ est super terram. Quin jam, ô justitia, pluis super Jerusalem sulphureos nimbos, & in cineres redigis illos, tanquam pulverem ante faciem venti, qui cum sint pulvis & cinis, immensam Filii tui majestatem vilipendunt, à cujus tamen nutu illi omnes dependent? Sed quid

Luc. 23<sup>o</sup>  
11.

Ps. 70. 7.

**In tēplo** quid ego ista vel contra Herodem, vel Herodiana-  
**Christus** nos? Non unus est qui Christum spernit Hero-  
**sperni-** des; multi sunt hodieque, & quidē hoc loco He-  
**tur.** rodiani, qui Christum illudunt indutum veste al-  
**Eph. 6, 17** bā. Parcite mihi, si vobis non parcam; date veniā,  
 si securim ad radicem ponam; nolite mihi suc-  
 censere, si stringam hīc *gladium spiritus, quod est ver-  
 bum Dei*, contra eos qui spernunt Verbum Patris.  
 Sunt qui hoc sacratissimo loco, ubi nullus debe-  
 ret esse locus, nisi pietati, impiē exemplo Hero-  
 dis, verē magis Herodiani, quā Christiani,  
 Christum spernunt indutum veste albā. Verē sub  
**Matt. 17.** albis speciebus panis, *vestimenta eius facta sunt alba*  
**2.** *sicut nix*. Vos itaque illuditis illum *indutum veste*  
**Apoc. 19** *albā*; quia non videtis regiā divinitatis ejus pur-  
**16.** puram; illud, inquam vestimentum, in quo scri-  
**Honor** ptum est: *Rex regum, & Dominus dominantium*: sper-  
**omnis** nitis eum. Itane verō? Illius violatis honorem,  
**debetur** cui soli (ut antea audistis) debetur omnis honor?  
**Christo.** si quis debetur honor in cælo Angelis & Supe-  
 ris; si in terra Principibus, Regibus, Pontificibus;  
 si magistris, si parentibus, si ulli homini, ideo de-  
 betur illis honor, quia sunt membra Christi, cui  
 soli debetur omnis honor. Et vos illum spernitis?  
**Ioan. 8.** Pater æternus honorat suum Filium honore in-  
**49.** finito; & vos (ait Christus) *inhonorastis me*. Anima  
 quidem nostra est immortalis, sed primo illo mo-  
 mento, quo corporis jam soluta vinculis prodit-  
 bit in conspectum Christi, quando videbit infi-  
 nitum illum, immensę majestatis latē evibrantem  
 splendorem, Angelos omnes tantā submissione  
 honorantes, totam cœlestem curiam intentam,  
 & occupatam laudando, honorando, venerando  
 Christum, tanquam totius universi Dominum;  
 hęc sciens, & videns anima, & minor quanta le-

olim coram Christo gesserit irreverentiâ, præ pudore & indignatione, tota deficeret, & in nihilum redigeretur. Sed hæc omnia abscondita sunt ab oculis vestris, quia Christus est hîc Deus absconditus. Interim mi JESU, Rex cordis, non ita es absconditus oculis meis, quin videam; & hîc coram omnibus agnoscam, tantæ te esse excellentiæ, ut omnium obsequiorum, amorum, honorû, & cujusvis subjectionis, quam res ulla creata potest adhibere, debitor existam. Dum te ibi in âra existentem, ut verum Deum considero, ut Sapientiam Patris æterni, ut splendorem ejus claritatis, ut speculum ejus pulchritudinis, ut vivum characterem ejus substantiæ: animis deficio, caligant oculi, stupet intellectus: & aliud nihil possum, quàm mirari, laudare, adorare sine fine incomprehensam majestatem tuam, infinites ingeminans: *Tu es Deus, & non est alius præter te.*

*Judith 9.  
19.*

## C A P U T VII.

### Christus in atrio Pilati.

#### §. I.

#### *De Flagellatione Meditatio prima.*

**S**pectaculum sacro plenum horrore, nobis hodie exhibebit Synagoga plena iniquitate; quare & attentas exigo, dum exponitur, aures; & intentos, dum proponitur, oculos. Nos interim, ô Christe! si invenimus gratiam in oculis tuis, supplices obsecramus, ut qui & surdos fecisti audire, & cæcos videre, aperias & aures, ut cum fructu auditores; & oculos, ut cum sensu spectatores hîc nos sistamus. *Tunc ergo apprehendit Pilatus Iesum, & flagellavit.* Itane verò *Ioã. 19. 1.* evangelista, tanta, tam augusta, per omnia om-